

Geographiæ Liber I.

11

solum quia ita cōmodum, sed & propter æqua-
tionum distantias necessarium fuerit. Proinde
quemadmodum de uis magnis & raris dubi-
tare oportet, præcipue ubi distantie emensæ
haud cōcordant, ita de non magnis, sed sæpius
& à multis peragrātibus unanimiter relatis, cre-
dere decet.

DE IIS QVÆ AD
Longitudinem orbis non recte à Ma-
rino sunt excogitata.

CAPVT XI.



LGITVR ex his nobis
planè factum est perspicuū, quā-
tū orbis latitudo extendi possit:
longitudinem uerò Marinus
contineri facit sub duobus me-
ridianis, qui interualla horaria
determinant quidecim: nobis uerò uidetur
& ea quoq; distantie mensuratio plus exten-
di ad ortum q̄ oporteat, etenim si hic quoque
contractio facta fuerit rationabilis, tota longi-
tudo non integris duodecim interuallis hora-
rijs constabit: quum insulæ Fortunatæ occi-
dentalissimo termino constituentur æquales,
orientali autem immanissimæ partes Seræ, ac
Sinæ, necnon Cattigaræ. Porro in distantia,
quæ est ab insulis Fortunatis ad Euphratis
transitum, per Hieropolim, si parallelus, qui
per Rhodum est, obseruetur, quadrabit nu-
merus stadiorum per singula loca ab ipso rela-
tus, nam id ex frequenti itineris usu comper-
tum est. Quinetiam si ex maioribus ratiocin-
atum fuerit distantijs, apparebit, eum in re-
ctificatione illius, quod propter diuerticula &
profectionum redundabat irregularitates, de-
bitum assequutum esse. Sed & in hoc quoq; re-
cte sentit, partem unā qualium est circulus ma-
ximus tricentorum sexaginta, quingenta in ter-
ra constituere stadia, id enim confessis dimen-
sionibus consonum existit. Circumferentiam
autem ipsi similem, paralleli eius, qui per Rho-
dum transit, hoc est, qui ab æquinoctiali abest
partibus triginta sex, quadringenta fere com-
prehendere stadia, nam id quod iuxta consen-
taneam parallelorum rationem superat, quum
in exactiori deprehensione modicum existat,
obmittendum est. Cæterum distantiam eam,
quæ à prædicto Euphratis transitu, usq; ad tur-
rim est lapideam, ac per ipsum esse colligitur
schœnorum octingentorum septuaginta sex,
stadiorum uerò uiginti & sex milium necnon
ducentorum octuaginta: eam præterea quam
ipse à lapidea turri usq; ad Seras, quæ Serum

est metropolis, uia septimestris esse, stadiorum
autem triginta sex milium & ducentorum asse-
rit: utrāq; tanq̄ sub eodem parallelo, secū-
dum institutum nostrum, in debitā contrahemus re-
ctificationem. Quādoquidem constat, eum in
ambobus itineribus nequaquā minuisse id quod
propter diuerticula superabundabat: quin in se-
cundo etiam itinere in eosdem incidisse errores,
quibus & in itinere à Garamantibus usq; ad re-
gionem Agisymbam, lapsus est. Nam & ibi
quoq; collectum stadiorum numerum mensū
quatuor, & dierum quatuordecim plusq̄ in di-
midiam partem contrahere fuit coactus. Quū
incredibile sit, tā longo tempore continuā pere-
grinationē factā fuisse, ut rationabiliter spaciū
septem mensium attingere potuisset: & multo
magis q̄ in itinere à Garamantibus, nā illud à
regionis illius Rege, cū prouideria, ut parerat,
& non fortuito peragrari potuit, sed & perpe-
tua ibi fuit tranquillitas: uia autem quæ est à Tur-
ri lapidea ad Seras usq; uehementissimis obno-
xia est tēpestatibus. Nā ex ijs, quæ ipse suppo-
nit parallelis illis qui per Helespontum & By-
zantium transeunt, subiecta est. Quapropter
multas etiam in eundo moras accidere necesse
fuit. Nam & per negotiationis occasionem co-
gnita est. Refert enim Marem quendam, qui &
Titianus uocabatur, uirum Macedonem, ac pa-
tre mercatore natum, dimensionē hanc conscri-
psisse, licet ipse nunq̄ ad Seras accessisset, sed so-
lum quosdam illac misisset. Atqui & ipse Mari-
nus mercatorū historijs nequaquā fidē adhibere
uidetur. Nā Philemonis relationi, qua longitu-
dinem insulæ Hibernie ab ortu occasum usq;
uiginti dierum esse tradidit, haudquaquā astipu-
latur, quoniam uidebatur hoc à mercatoribus p-
cepisse, quos mercatura occupatos, ueritatis in-
dagationem haud curare ait: quin sæpius distan-
tias arroganti quadam iactatione augere. Pro-
inde de peregrinatione ista mensium septē, nil
aliud memoratu dignū, q̄ quanta fuerit, ab ijs
qui illam exegerant, relatum esse mōstro simi-
le, ob temporis prolixitatem esse uidetur.

gam cōmunem leu-
cam, ut uocant, &
miliarium, siue 32.
stadiorū faciunt.

EMENDATIO
Longitudinis terræ cognita à
peregrinationibus.

CAPVT XII.



PROPTER hæc itaq; &
quia iter non sub uno sit paral-
lelo, sed turris lapidea posita sit
circa eum, qui per Bizantium,
Seræ autem magis australes,
sub eo, qui per Hellepontum
scribitur, rationabile uisum fuisset, & hic quoq;

Quingenta stadia
ab Eratosthene,
quem Macrobius,
Plinius, Strabo &
alii pleriq; sequū-
tur, septingen-
ta deputata sunt.
Sed nos cū Alphra-
gano Ptolemeum
sequimur.

Schœnus triginta
stadia cōtinet, quā
mēsuram Herodo-
tus Parafangē ap-
pellat: nos Parafan-